



Broj: 05/1-50-13-26-52-3/18

Sarajevo, 22. 10. 2018.

ZAPISNIK

52. sjednice Nezavisnog odbora Parlamentarne skupštine BiH

Sjednica je održana 22. 10. 2018, s početkom u 17 sati.

Sjednicu je sazvaо Enes Obralija, prvi zamjenik predsjednice Nezavisnog odbora.

PRISUTNI ČLANOVI NEZAVISNOG ODBORA: Enes Obralija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufbašić, Adisa Begić, Nikola Džambas, Mate Miletić i Ljubomir Kuravica, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, i Vladimir Jurišić, član Nezavisnog odbora, koji su opravdali odsustvo iz objektivnih razloga.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicom je predsjedavaо prvi zamjenik predsjednice Nezavisnog odbora Enes Obralija.

Konstatirajući da postoji kvorum za rad, otvorio je 52. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 51. sjednice Nezavisnog odbora;

2. Razmatranje Izvještaja sa sastanka članova Nezavisnog odbora s rukovodstvom Direkcije za koordinaciju policijskih tijela BiH;
3. Razmatranje Izvještaja sa sastanka članova Nezavisnog odbora s rukovodstvom Granične policije BiH;
4. Dopis Ministarstva sigurnosti BiH, broj: 08-2-50-7280-2/18-AD od 1. 10. 2018, zaprimljen u Pisarnici Parlamentarne skupštine BiH 9. 10. 2018, broj: 05/1-50-17-2230/18;
5. Razmatranje Zahtjeva za preuzimanje dokumentacije, broj: 05/1-50-19-2242/18 od 10. 10. 2018;
6. Tekuća pitanja:
 - a) Plan aktivnosti za novembar 2018. godine.

Ad. 1. Usvajanje Zapisnika 51. sjednice Nezavisnog odbora

Zapisnik 51. sjednice Nezavisnog odbora jednoglasno je usvojen, bez primjedbi.

Ad. 2. Razmatranje Izvještaja sa sastanka članova Nezavisnog odbora s rukovodstvom Direkcije za koordinaciju policijskih tijela BiH

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića podsjetio je članove Nezavisnog odbora da su Adisa Begić, Mate Miletić i Ljubomir Kuravica, članovi Nezavisnog odbora, 13. 9. 2018. posjetili Direkciju za koordinaciju policijskih tijela BiH i sastali se s njenim rukovodstvom o čemu je, u skladu s dogovorom s prethodne sjednice, sačinjen pisani izvještaj.

Izvještaj o posjeti članova Nezavisnog odbora Direkciji za koordinaciju policijskih tijela BiH usvojen je jednoglasno, bez primjedbi.

Ad. 3. Razmatranje Izvještaja sa sastanka članova Nezavisnog odbora s rukovodstvom Granične policije BiH

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića istakao je da su Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, i Ljubomir Kuravica, član

Nezavisnog odbora, 4. 10. 2018. posjetili Graničnu policiju BiH i sastali se s njenim rukovodstvom, o čemu je sačinjen pisani izvještaj.

Izvještaj o posjeti članova Nezavisnog odbora Graničnoj policiji BiH usvojen je jednoglasno, bez primjedbi.

Ad. 4. Dopis Ministarstva sigurnosti BiH, broj: 08-2-50-7280-2/18-AD od 1. 10. 2018, zaprimljen u Pisarnici Parlamentarne skupštine BiH 9. 10. 2018, broj: 05/1-50-17-2230/18

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića naglasio je da je Ministarstvo sigurnosti BiH ovom tijelu uputilo predstavku policijskog službenika Direkcije za koordinaciju policijskih tijela BiH, broj: 08-2-50-7280-2/18-AD od 1. 10. 2018, zaprimljenu u Pisarnici Parlamentarne skupštine BiH 9. 10. 2018, broj: 05/1-50-17-2230/18, nakon čega je otvorio raspravu. U raspravi je učestvovala većina članova Nezavisnog odbora, te je nakon rasprave jednoglasno usvojen sljedeći

ZAKLJUČAK

Nezavisni odbor Parlamentarne skupštine BiH će, u zavisnosti od postupanja nadležnih tijela, eventualno preduzeti mjere iz svoje nadležnosti. Također, Nezavisni odbor je zaključio da obaveže Direkciju za koordinaciju policijskih tijela BiH da konačnu odluku o eventualnoj disciplinskoj odgovornosti podnosioca prijave dostavi ovom odboru.

Ad. 5. Razmatranje Zahtjeva za preuzimanje dokumentacije, broj: 05/1-50-19-2242/18 od 10. 10. 2018.

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića istakao je da je Nezavisni odbor zaprimio zahtjev Duška Drljače za preuzimanje dokumentacije koju je priložio prilikom prijave na Javni konkurs za provođenje procedure odabira kandidata za izbor direktora i zamjenika direktora policijskih tijela BiH („Službeni glasnik BiH“, broj 2/18) te otvorio raspravu. U raspravi je učestvovala većina članova Nezavisnog odbora, te je nakon rasprave jednoglasno usvojen sljedeći

ZAKLJUČAK

Nezavisni odbor je u okviru rasprave po zahjevu Duška Drljače zaključio da obaveže sekretara Nezavisnog odbora da ostvari uvid u dokumentaciju kandidata Duška Drljače te utvrdi da li je on uz prijavu na Javni konkurs za provođenje procedure odabira kandidata za izbor direktora i zamjenika direktora policijskih tijela BiH priložio originalnu ili ovjerenu fotokopiju fakultetske diplome. Ako je riječ o originalnoj diplomi, ona može biti vraćena Dušku Drljači, a ako je riječ o ovjerenoj fotokopiji, tražena dokumentacija kao ni ovjerena fotokopija diplome neće biti vraćene.

Ad. 6. Tekuća pitanja

a) Plan aktivnosti za novembar 2018. godine

U okviru ove tačke dnevnog reda dogovoreno je da se sljedeća sjednica Nezavisnog odbora održi 19. 11. 2018. u 17 sati.

Dogovoreno je i da se, u skladu s Planom rada Nezavisnog odbora za 2018. godinu, do naredne sjednice Nezavisnog odbora organizira posjeta članova Nezavisnog odbora Državnoj agenciji za istrage i zaštitu, u kojoj bi učestvovali: Ilma Mehić-Jusufović, Mate Miletić i Ljubomir Kuravica, članovi Nezavisnog odbora.

Dalje, u okviru ove tačke dnevnog reda prvi zamjenik predsjednice Nezavisnog odbora Enes Obralića istakao je da je Direkcija za koordinaciju policijskih tijela BiH Nezavisnom odboru dostavila Informaciju „Opći izbori 2018“, broj: 20-05-04-2-1186-108/18 od 17.10.2018. a zaprimljenu u Pisarnici Parlamentarne skupštine BiH 22.10.2018. godine broj:05/1-04-2307/18 koja je po prispjeću proslijeđena svim članovima Nezavisnog odbora.

Prvi zamjenik predsjednice Nezavisnog odbora Enes Obralića zaključio je sjednicu u 17.45 sati.

SEKRETARKA
NEZAVISNOG ODBORA

Ivana Lovrić

PRVI ZAMJENIK PREDsjedNICE
NEZAVISNOG ODBORA

Enes Obralića